

ХРИСТОСЛАЭН



ВОРДСКОНЭНЫЗ!

**Инмар Пилэн Вордйськонэзлы сйзьыса,
Удмурт Митрополиаысь Ижкар-Удмурт Епархиысь
ВИКТОРИН митрополитлэн
священникъёслы, монахъёслы, мирын улйсьёслы ыстэм
Зечкылан Гожтэтэз**

*Кылчинъёс Инмын шумпото-шулдыръясько,
туннэ вань калык шумпотэ, Вифлеемын
вордйськем Утисьмы Кузё-Инмар
понна вань улэп макеос шудо-шулдыръясько*

**Христослэн Вордскон празникезлы
сйзем Быдзым Жыт службаысь кылбур**

Лулы, сюлмы шумпотыса зечкыласько ваньдэс Христослэн
Вордскон югыт-чылкыт празникеныз но вуэм Выль 2019-тй Арен!

Нош ик лулмугормес ожытак жикатыса, визяса (көс утыыса) лулмес
чылкытатймы но Инмарлэсь паймымон адями луонзэ адзисьёс луонэ
пыриськыны быгатйськомы.

Зуч югдытйсьёс пöлысь Ростовысь святой Димитрий сйлы-данлы
каре таёе кыльёс вераса: «Инмысь Эксэй музъем вылысь тылысэ-
пещерае пыриз но Соин ёш отчы пыризы Солэн вань ожгарчиосыз,
Солэн Инмысь вань ужась-тыршисьёсыз; Соин ёш пыриз Ин аслаз
быдзымлыкеныз. Та часэ Ачиз Инмысь Инмар Вифлеемысь тылысэ-
пещерае пыриз».

Утиськон сярись азьвыл ик веран-тодон быдэсмиз, сьöлыкъёсын
гижлозем, калсырам адямиос доры Инмысь зеч эрик васькиз: Вылысь
Инмар Аслаз кылдытэм адямиез кадь ик луэ, со дыре ик, Инмар
луонэзлэсь но уг усый: сьöлыкъёс пöлы выем нылпизэ Инмысь
Эксэйлыке вуттонлы дася. «Кузё-Инмар асьмеос кадь мугор басьтыса,

ляльчи (раб) кариськиз – ляльчиосты эрико карон понна: Со инбамез някыртйз но васькиз (Пс. 17: 10), музъем вылын ульсьёсты Инме жутон понна», - Христослэн вордсконэз пумысен шуэ Иоанн Златоуст.

Инмар – со Яратон, со яратон ик асьмемыз, адямиосты, улон сётйсь яратонэн улыны дышетэ. Инмар луыса вылысь, Со Инмысь пудо возён куанер пещерае васькиз, адямиос кадь мугоро луиз но Зеч Ивор тодытон пыр, кирос вылын курадзон пыр, кулонэз вормыса улзыса султйз. Кузё-Инмармы Иисус Христос таё примеръёс-адзонъёс пыр асьмемыз яратйсь луонлы дышетэ. Тае христиан калыклэн яратонэз шуо, тае асьмелы Утисьмы усътйз музъем вылын улон дыръяз. Со асьмелы выльзэ, тужгес дунозэ, таёзэ курон-косонэз сётйз: яратэ огдэс огды. Но, жаляса верано луэ, та курон-косонэз ём дыръя вунэтйськомы, асьмеды яратонэз гинэ утчаськомы.

Инмар Пилэн вордскон дун-чылкыт пиштйсь уяз вань адямиос понна утиськонлэн югытэз ворекъяны кутскиз. Со понна мон тйледлы, тйляд семьяостылы тупаса улон, зеч улон-вылон сйзисько. Зеч ужъёсынымы, христиан осконлэн курон-косонъёсыныз улыса, ваелэ шумпотон ваёме ёжы-выжыосмылы, семьяосмылы, матысь тодмоосмылы, тодмотэм муртъёслы но, уката ик кинъёслы кулэ асьмелэн юрттэтмы, сюлэмзэс буйгатйсь кыльёсмы. Та дун-чылкытэсь святой нунальёсы Инмар Пилэн адями луонэзлы, Солэн асьмелы ваем яратонэзлы шумпотыса ваелэ зеч ужъёс лэсьтыса уломе.

Вифлеемысь тылысын-пещераын Утисьмылэн Иисус Христос Кузё-Инмармылэн вордсконэзлы сйзыса кылчинъёслэн шумпотыса кырзан гуренызы асьмелэн лудъёсмы огазе мед кариськозы!



+ Виктория
ИЖКАР-УДМУРТ ЕПАРХИЫСЬ МИТРОПОЛИТ,
УДМУРТ МИТРОПОЛИЯЛЭН КИВАЛТЙСЬ ЙЫРЫЗ

Ижкар
2018 / 2019 ар